



Llywodraeth Cymru
Welsh Government

Hysbysiad Gwybodaeth Cyllid Myfyrwyr Cymru:

**Categori Cymhwysra Newydd ar
gyfer gwladolion Wcreinaidd ac
aelodau o'u teuluoedd sydd i'w
gynnwys yng Nghynlluniau
Lwfans Cynhaliaeth Addysg a
Grant Dysgu (Addysg Bellach)
Llywodraeth Cymru**

Blwyddyn academaidd 2022 i 2023

SFWIN 09/2022

Mae'r Hysbysiad Gwybodaeth hwn yn rhoi manylion am y categori cymhwysra newydd ar gyfer gwladolion Wcreinaidd ac aelodau o'u teulu, a fydd yn cael ei gynnwys yn y cynlluniau Lwfans Cynhaliath Addysg (LCA) a Grant Dysgu (Addysg Bellach) Llywodraeth Cymru a asesir ar sail incwm ar gyfer y flwyddyn academaidd 2022 i 2023.

Sicrhewch fod yr Hysbysiad Gwybodaeth hwn yn cael ei ddsbarthu i'r holl staff a chydweithwyr sy'n helpu i weinyddu'r cynlluniau.

Bydd copi o'r cynlluniau LCA a Grant Dysgu (Addysg Bellach) Llywodraeth Cymru ar gyfer 2022 i 2023 ar gael i'w gweld ar dudalen we [cyllid i fyfyrwyr](#) Llywodraeth Cymru cyn hir.

Categori preswyliaeth newydd i wladolion Wcreinaidd ac aelodau o'u teulu

Bydd darpariaeth yn cael ei gynnwys yng nghynlluniau LCA a Grant Dysgu (Addysg Bellach) Llywodraeth Cymru ar gyfer blwyddyn academaidd 2022 i 2023 i'r rhai y rhoddir caniatâd iddynt aros gan y Swyddfa Gartref o dan Gynlluniau perthnasol Wcráin, neu y rhoddir caniatâd iddynt aros y tu allan i'r Rheolau Mewnfudo am reswm sy'n gysylltiedig â'r gwrthdaro yn Wcráin. Mae'r categori newydd yn debyg i'r hyn sy'n cael ei gynnwys ar gyfer cyllid i fyfyrwyr addysg uwch ac y rhoddwyd gwybod amdano eisoes drwy [Hysbysiad Gwybodaeth 06/2022](#).

Bydd y categori newydd yn unol â chategorïau eraill sy'n seiliedig ar amddiffyn. Mae hyn yn golygu na fydd angen i'r person fodloni gofyniad y cyfnod preswyllo tair blynedd arferol yn y DU.

Bydd person yn gymwys os yw:

- (a) wedi cael caniatâd i aros o dan y Cynlluniau Wcráin;
- (b) wedi cael caniatâd i aros y tu allan i'r Rheolau Mewnfudo am reswm sy'n gysylltiedig â'r gwrthdaro yn Wcráin;
- (c) yn preswyllo fel arfer yn y Deyrnas Unedig a'r Ynysoedd ac nad yw wedi peidio â phreswyllo felly er pan roddwyd caniatâd iddo aros o dan y Cynllun Wcráin neu y tu allan i'r Rheolau Mewnfudo; a
- (d) yn preswyllo fel arfer yng Nghymru ar ddiwrnod cyntaf blwyddyn academaidd gyntaf y cwrs.

Bydd person yn gymwys i gael cymorth os yw'n bodloni meini prawf y categori cymhwystra newydd a'r holl feini prawf perthnasol eraill.

Ffurflenni cais

Mae Cyllid Myfyrwyr Cymru wedi diweddarau'r ffurflen gais a'r nodiadau canllaw ar gyfer blwyddyn academiaidd 2022 i 2023, ac maent ar gael o wefan [Cyllid Myfyrwyr Cymru](#).

Dim ond ar ôl gweld cais wedi'i gwblhau'n llawn gyda'r dystiolaeth ategol briodol y bydd Cyllid Myfyrwyr Cymru yn gallu penderfynu ar gymhwystra hawl.

Dylai myfyrwyr sy'n bodloni'r gofynion a nodir uchod, ac sy'n ceisio gwneud cais am LCA a Grant Dysgu (Addysg Bellach) Llywodraeth Cymru, ddefnyddio'r ffurflen gais a'r nodiadau canllaw ar gyfer blwyddyn academiaidd 2022 i 2023 sydd ar gael i'w lawrlwytho o wefan [Cyllid Myfyrwyr Cymru](#).

Dylai myfyrwyr sydd eisoes wedi cael pecyn cais gan eu hysgol neu eu coleg cyn 1 Awst 2022, neu sydd wedi ymgeisio o'r blaen ac wedi cael eu gwneud yn anghymwys ar sail eu statws preswyllo, ddarllen y diweddiariad diweddaraf ar wefan [Cyllid Myfyrwyr Cymru i gael cyngor ar sut i wneud cais](#).

Gellir cysylltu â gwasanaeth cwsmeriaid dwyieithog Cyllid Myfyrwyr Cymru hefyd ar 0300 200 4050.

Ymholiadau

Os oes gennych gwestiynau, cysylltwch â Thîm Addysg Uwch Llywodraeth Cymru drwy e-bostio isadrancyllidmyfyrwyr@llyw.cymru. Rydym yn croesawu gohebiaeth yn Gymraeg neu'n Saesneg.

Gellir lawrlwytho copi o'r Hysbysiad Gwybodaeth hwn yn Gymraeg neu'n Saesneg o [dudalen we cyllid a chyllid i fyfyrwyr](#) Llywodraeth Cymru.

Gellir gofyn am fersiynau o'r ddogfen hon mewn print bras, mewn Braille neu mewn ieithoedd eraill.